



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-80-8/19

Datum: 21.03.2019. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine, glavni tužilac Tužilaštva-Tužiteljstva BiH d o n o s i

O D L U K U
o izboru najpovoljnijeg ponuđača

Član 1.

(Predmet odluke)

Ugovor o nabavci usluga osiguranja vozila za potrebe Tužilaštva-Tužiteljstva Bosne i Hercegovine, dodjeljuje se ponuđaču **Sarajevo osiguranje d.d. Sarajevo.**

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.

(2) Ponuda ponuđača iznosi 13.458,00 KM bez uključenog PDV-a.

(3) Ponuđaču iz člana 1. ove odluke, okvirni sporazum/ugovor će biti dodijeljen u skladu sa elementima Ponude, te uslovima i kriterijima utvrđenim u Konkurentskom zahtjevu i Tehničkoj specifikaciji.

Član 3.

(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-7-2-141-3-42/19 od 12.02.2019. godine. Za predmetnu nabavku primljene su četiri ponude ponuđača: Adriatic osiguranje d.d. Podružnica Sarajevo, Euroherc osiguranje d.d. Sarajevo, Central osiguranje d.d. Sarajevo i Sarajevo osiguranje d.d. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2019. godinu, broj: A-493/18 od 20.12.2018. godine članovi Komisije (u daljem tekstu: Komisija) izvršili su pregled i ocjenu ponude i utvrdili sljedeće:

Analizom dostavljenih ponuda utvrđeno je sljedeće:

- Ponuđaču Euroherc osiguranje d.d. Sarajevo je upućen zahtjev za prihvatanje računске greške dostavljene ponude. Dana 06.03.2019. godine ponuđač je dostavio saglasnost o ispravci računске greške. Ukupna cijena nakon računске ispravke ponude ponuđača Euroherc osiguranje d.d. Sarajevo iznosi 14.387,60 KM.
- Ponuđač Sarajevo osiguranje d.d. Sarajevo je dostavio popis/sadržaj dokumenata u ponudi na vlastitom obrascu u kojem nisu navedeni redni brojevi početne i zadnje stranice pojedinačnih dokumenata, te je dostavio i obrazac za popis dokumenata ugovornog organa u kojem se referirao na vlastiti dokument. Članovi Komisije su konstatovali da se navedeno smatra manjim odstupanjem koje ne utiče na prihvatljivost ponude i ne smatra se suštinskim propustom.
- Ponuđač Sarajevo osiguranje d.d. Sarajevo je u svojoj ponudi dostavio popunjen Obrazac za dostavljanje ponude, ali je zadnju stranu navedenog obrasca priložio na 16. stranici, uz obrazac za cijenu ponude. Kako su dostavljene sve strane navedenog obrasca, uredno potpisane i opečaćene, članovi Komisije su evidentirali formalni, nesuštinski propust i konstatovali da je dostavljen kompletan Obrazac za dostavljanje ponude.

Na osnovu analize dostavljenih ponuda ponuđača: Adriatic osiguranje d.d. Podružnica Sarajevo, Euroherc osiguranje d.d. Sarajevo, Central osiguranje d.d. Sarajevo i Sarajevo osiguranje d.d. Sarajevo, Komisija je zaključila da su sve ponude u potpunosti prihvatljive i zadovoljavaju uslove Konkurentskog postupka i Tehničke specifikacije.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine za izbor najpovoljnijeg ponuđača **Sarajevo osiguranje d.d. Sarajevo**, čija ponuda ispunjava uslove za nabavku predmetnih usluga.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđačima
- Odjelu za materijalno-finansijske poslove.

